

徐仙翰藻卷之十一

金闕授仙簡建羅天醮榜

三天門下金闕真人官照得職任天機省副之權一任文昌司祿上宰之職輝騰天上瑞應人間况人為萬物之靈性具五常之體父

御五

十六

慈而教喻豈在於斷輪子孝而箴仰益嚴於喬木伯仲之筦頃迭奏室家之琴瑟允諧友必心交則如蕭朱王貢族稱義重則若邗晉應韓此風教之所係焉於人倫不可教也母強凌弱衆凌寡寡母踈踰戚卑踰尊使上冠下屨名分俱存則斗折衡太平可覲將見聲名文物盛於此是豈玉帛鐘鼓云乎哉宣化承流體天道而福善觀風察俗在人事以用功至於黜陟幽明信必賞罰其有城隍典者社令正神或能使水火而弭災或能使雨暘而應節或能使鴻鴈而安集或能使龜筮而告猶有德之可稱有功之有錄合公舉選即與遷除苟冥頑不靈非鬼為誦舊滌汚俗時謂淫風穢跡彰聞知過不改是汝自生毒宜災于厥身當職體察得知當日盡行厘革除已

具申三界真司牒城隍外合行告諭者

玉闕授仙簡建羅天大醮榜

三天門下玉闕真人當職一任雷霆玄省祭書一任南極注生上相雍和萬化撫料蒼生風風人雨兩人使寒暑陰陽而燮理水衣我

御五

十七

食食我使桑麻穀粟以富殷結形則男唱恭女唱奉降神則月為魄日為魂各有司存別分官守幸因緣之滅度體道德而垂光使楊震能以清白而傳家則畢亦必有公侯而復始智可及非愚可及人與之亦天與之至於祈雨祈暘可以潛天潛地司農司稼典絲掌葛既當其人司市司貨考工飾材不式其業其有信從邪道不省本原致使妖魔間生傷害是汝自作孽也雖悔其可追乎或魑魅魍魎之精恣行荼毒或饕餮檮杌之醜崇尚奸回當職斷不隱容依律奉行必使陽有鞭尸之憲陰有磔體之形剪之以風刀鼓之以雷斧人皆由可殺天之所加誅其誰之由非予有咎况當職以輔正除邪為誓以濟生度死為功今有孝子順孫發心皈向先令億曾萬

祖隨願超昇又有五古三塗孤魂滯魄雖是

沉淪日久咸與沾沐天恩除已具申三界真司牒城隍外合行告諭者

加封敷達上玄門榜

伏以九氣在洞玄之中惟神是守十方有無

鞅之衆乘空而來侍衛我軒證明大道香龔雲烟而鬱勃燈交星月之光輝遙御九天特嚴三黜小心翼翼以事帝廷惟欽哉有神洋洋可格思述所職也功滿德就皆即受度國安民豐欣樂太平凡尔有司各恭乃職勅太上之靈水誦元始之玉文五帝朝真臟腑清涼泚夷養素羣魔潛形鬼精滅爽凶惡潛寧專此論聞想宜知悉故榜

示齋主文

爲釋

切謂有生亦有死生死殊途事死如事生

御五

十八

生一致凡為人後豈無人心况此身此體又非產於桑中而乃父乃母未嘗棄於水上如或知此可不思乎着綠戲於堂前今之所謂老萊者何可勝數被禍哭於道左今之所謂皁魚者豈無其人亦須啜菽飲水以盡為養

之歡何必枯魚銜索而致不切之恨與其椎牛重葦不如春酒一盃或憂風木之不停幸喜天人之有會如是修齋奉戒可以起死回骸其有甘分而祖有抱孫之愛豈無知原而孫無思祖之心伯見稱焉何待採蠟珠之日

叔非癡也奚須騎從馬之時撫育其孤曾念兄之先世憐哉其嗣嘗憫弟之早亡或合登之歡或鼓盆之憂或髮髦之誓或齊眉之喜曰夫曰婦夙世有因一死一生交情乃見此人倫之為大者而風教之所係焉雖曰孩提莫不愛其親所恃上帝有好生之德弘開濟度兩利存亡茲遇中元續玄都之故事謹同大衆結普度之因緣使善男善女各發善心使無遠無近本然無礙功德非常功德思議不可思議仰辱齋官俯臨法席雖是皈依道

亦有孝順心地非有獄天果有堂相去不離於咫尺善積如山惡深如海少差易間於高厘不知我者何求亦須汝自究竟伏念某天居末學濫宰玄科若非對聖粘閣安敢署名具位雖無度人之量亦惟遵道而行同壇稍

不叶忠明科自有罰簡無增無愛公非使心正而意誠庶功滿而德就如是如是知之知之億曾萬祖名叙仙曹凡五劫乘機之會六親九族名登壽域八千歲為春與秋特此稟聞伏惟念悉故諭

諭在會善信榜

茲遇孟秋屆期中元紀節白帝乘時之運地官校集之辰釋氏以此日供盂蘭盆道家以此日設玄都離門同戶異理一事殊各以化民成俗為心各以奉先思孝為念于期時也不有思乎天泱泱兮氣清清草蒼蒼兮人寂寂仰洞庭之月明兮何悲愁而鬱鬱歌赤壁之風清兮何泣訴而嗚之顧影兮興懷傷心兮太息身體髮膚吾父母之遺體也何以報吾父母田廬衣食吾祖宗之積德也何以報

吾祖宗謝太傅叔也戒約之言何日敢忘薛侍中伯也分張之財為恩不少池塘生草之句此謝臨川所以夢其弟春秋薦蘋之文此韓昌黎所以憶其兄抑負外之涕有哀刻石何恨黃太史之妹既死毀壁何冤鼓盆而歌

難割滾園之愛汎舟為誓不棄共姜之盟此心哉果何心哉彼人也我亦人也曠言及此云如之向長夜悠悠詐作續魄招魂之些大羅渺渺幸有迴尸起死之方尔若而人當發是願修諸善果作此良因况劫數終窮當別

御五

舉一十二萬人以充神仙職今功德滿足願開度七百有餘名在會男女靈魂升入無為轉輪不滅其有內懷詭詐外假精純背義忘恩傷俗敗教不崇三寶不習五常如彼等人豈無果報或先貧而後富者恥言其舊或先富而後貧者反怨其先至於乃祖乃宗乃父乃母乃叔乃伯乃婦乃夫乃姊乃妹故違制服視如塗人若罔聞知甚至馬牛之風不相及全無憂戚甘與鹿豕之畜以為群致使羊吉若教之宗無所托也其視馬醫夏畦之子

得無愧乎惟我開方便門為汝作平等會無有障礙與善因緣使已生未生不捨慈悲隨機應化使有主無主齊同慈愛豈骨成親共赴齋筵俱登法界伏願心開悟解無貪心嗔心與夫癡心道合自然自鬼道人道歸于仙

道斯言不妄母視逆常故榜

師堂補職榜

伏以小心事帝須知齋戒沐浴之嚴主善為師各盡出入起居之敬洋洋如在赫赫厥靈視不見聽不聞無名可議愿而恭亂而敬顧

如五

我所行謹按金錄簡章自有玉條品格分職之法有六學尔所知考課之等有誠可乃

已耕當問奴織當問婢不及私賂惟其能行者同與涉者同舟各恭尔事齊乃位茲告于汝左右此亦自己工夫須是整我形像可以

使人讚嘆惟慎之者則享祚故聞之者以昇達使一德苟或一虧合舉糾彈之責必三

言而後三拜敬遵禁戒之文受簡還條斷功績過無賞太輕無罰太重弗慮胡獲弗為胡成儆戒無虞出乎尔反乎尔功德至重始於

斯終於斯預此聞知各宜遵體故榜

又

伏以立教垂科所以耳目斯世設官分職賴有腹心其人雖舉尔之所知必論才於已試兼收並蓄銖銖不可棄寸銖不可遺任賢去

邪鑄鋤知為銖鉛乃知為銚咨示六人六職須是同德同心毋錮既往之私警毋蹈以前之故步人誰無過必能改過邦有尚刑亦常贖刑儆戒無虞始終如是出必告反必面甚如父母之親奏以功試以言自有君臣之分故榜

建黃錄普度齋

伏以冥冥罔測之謂聖之謂神刻刻揚靈如在左如在右既以正直為德合以濟度為功仰体太上之慈悲俯聽本司之關告益嚴修

奉大作證明久瞻孔子之牆轡倭陳蕃之榻鬼言歸也願入修門齋以齊之特為單席想有欣欣之喜色必無疊疊之偈人招而來之與其進也使接踵而至審容膝之安見如故識如新乃千載一時之會遠者來近者悅何

如五

廿二

此強彼界之方或講時令之寒暄或叙親戚之情話滿堂笑語連手歌謳何謂鬼我均是人也班荆而食脫粟無嫌開挾私讎當為傳諭若不知其所舍母乃曠於厥居實有禮則擇之深荷東道聖人之愛魂應還而度者同

為西那王國之遊

戒監壇榜

伏以三級以象三才登降崩摧八方而取八卦排布森嚴星為緯宿為經天有門地有戶絳繩七十二丈月氣候之流行圖纂八十一

竿合陽奇之通變顯額之字大如斗浮枉之制高如室光徹閭闔而閱閣香擊構樞而芬弗雷公馳警蹕風伯執洪順神漠漠而扶傾帝洋洋而在上敢有變魑猖狂之魑魑魑魑魑之妖輒縱詭隨自起穢臭仰依玄律不與

赦原捉影捕聲如一網之盡兔窟剪形截首如齊斧之就蜂腰殲厥渠魁除餘類毋嚴霜夜肅蕭蘭共盡母狂風火烈蓬芝俱焚必使沙礫化作南金必使瓦石變為和玉號經的之中非使獸不為虛子然偃僂之神豈擬

如五

廿三

蜩自燃薄術有官守有言責無偏愛無私僻衛道以嚴明壇以現鬼自凶自吉素聞欲界之飛空天無氛地無塵載舉大梵之隱語修齋行道無邊功德濟生度死作大因緣應有赴會信女善男亦各致恭盡禮或有故意

犯齋觸戒是自作孽莫云母曰掛壁之具文此乃監壇之本職如是如是欽哉欽哉故榜

戒將吏榜

竊聞朝拜功德推原其由始於都統康舍人以此上報父母劬勞之恩由是得道其為孝

義可勝言也哉後人因之以立存亡之科考之功德此為第一義况人生各有知識誰無父母誰無叔伯誰無兄弟誰無夫婦誰無子姪誰不以身體髮膚為重生者莫不欲全其

天年無有中傷死者莫不欲迴生起死枯骨

成人非此功德莫能濟度今之日奉為某為眾滿散日前沿路朝拜啟設黃籙告簡濟度幽明齋醮一永夜於中修崇功德條具不一非汝將吏孰為證明傳符轉檄非汝將吏孰為奔走進表上詞非汝將吏孰為騰達招魂

續魄非汝將吏孰為追攝汝等將帥既是駐劄壇前若彼為御則此為左若此為御則彼為右同功一體各恭尔職無伐善無施勞使生者各遂其生同躋仁壽之域死者各得其死同遊快樂之天生死蒙惠莫不舉手加額

昔曰汝等將吏之功也有功之日名書上清此太上秘語必無妄語其有不吉不迪顛越不恭不義姦兇偷相之徒故意觸犯使穢德登聞于天汝其上依玄律盡行殄滅無遺育咨尔將吏齊馬勛哉故榜

又

卯五

廿四

本宮啓建中元玄都齋醮合委承行將吏低聲肅靜依戒奉行所有告文合行出給者

伏目道在太空無象妙矣難名將出自已元

辰召之則至明真有禁非法不行靈寶符命普告九天元始赤書開張萬範布五龍神水之五氣結而為靈風聚烟召四靈火馬於四方來者如細雨密霧城隍拱聽吾命魔王侍衛我軒舉太乙之洪順象槐槍於標闕怖魁

魍而潛魑魅指雙魑而扶獠狂巫吶之女無所眺其情臚蚩尤之徒終必化為枯骨凡尔眾其惟致告無起穢以自連辜一有如此未或不亡三而思也雖悔何及仰遵玄律攝付魁罡剪首截形俱作龍烹之的捕聲捉影斷

無漏網之魚聞之者膽喪毛寒見之者股慄惴伏食言非信衛道以嚴使十玄披散八景開明庶三界齊臨衆真監度左攻于左右攻于右汝作護法正直將軍後非敢後先非敢先汝作監齋平等使者各恭尔事尚一乃心

卯五

十五

終始惟初功德最重上可以薦元府於七廟下可以超羣力於三途更翼天得一以清地得一以寧與神俱契鬼道常自凶仙道常自吉使我長存須至指揮毋得違錯故榜

又

三天門下金闕玉闕真人宮當職欽拜玉封荐膺師寵羣瞻皆愕孤跡罕驚雖蒞事以惟勤必論才於已誠十目所視十手所指莫能逃正邪賢否之公獨步難行獨掌難鳴必有賴文武施張之累次尔諸階將吏洋洋左右

赫赫聲靈出於有入於無瞻在前忽在後昔盛名載之青史文章可得而聞今英魄竭其精忠天地所恃以立聞符即至聽命無諱工就規矩醫辨參苓先取其長後取其短奴執耕稼婢典爨炊彼効其力此効其勞各懷食

樞之好音豈謂傳餐而無補在列如黃鍾之
應物動必有聲撥煩如游刃之發矧用皆無
滯毋為肝膽楚越有賴腹心良平珍滅妖魔
剗城隍而聽令救度羣品體太上之好生敢
有幽魅犯吾禁戒仰依條律明示典刑在外

曰奸虞與有理官之治負固不服周書行司
馬之誅守衛鄉閭鎮安社稷使人人遂欲逸
欲安之願使家室獲既富既庶之饒汝無伐
善施勞我乃論功行賞禮重榮盛之祭毋作
神明羞時於香火之前上祝天子壽各恭尔
職毋曠厥居故榜

又

伏目玉札丹砂青芝赤箭兼為醫者之收大
梁小襍脩棟短楹全賴梓人之巧既精所選
各度其材咨示直壇將軍監齋使者同音相
和同類相求尔形信直尔聲信清侍衛四靈
折衝萬里使狐狸膽落奮豺狼當道之威使
狡兔技窮壯虎豹在山之勢仁而無敵用之
則行有事指揮邊吾禁約敢有下官故氣百
厭妖魔妄肆猖狂故為觸穢是剪是伐如狝

鼠之寄旄頭或縱或擒如雞雛之在籠內有
輕有重公是公非毋神芝雜以腐茵毋祥禽
混以凡羽天條至密露檄以聞今則
關泥丸數席祗迓皇輿之翼翼恭迎帝駕之
翩翩或前舉洪頤後樹虎旗或右秉白菴左

麾黃鉞無越厥命各齊乃心其用力也過多
曰論賞則不靳功德滿就為書南宮宿將之
名壽富康寧少吝東道主人之願故茲告諭
咸使聞知故榜

又 代掌梓

夫有陰德者必有陽報有陽德者必有昭名
今九天二真人名登仙品職列九天凡為德
之在人者可稱量我汝等官將目可得見
耳可得聞言語可得而交接決然無惑晰然
無疑固當一乃心均乃力贊成厥功其有好
險匪人為鬼為魅不吉不理顛越不恭以穢
自臭者惟予以尔恭行天罰輕者攝赴魁罡
重者剪形截首使天得一以清地得一以寧
神得一以靈有功之日當為汝奏告天庭獲
預仙寮散職之司豈復為人耳目之旗鼓哉

苟或左不攻于左右不攻于右汝不恭命是
汝之過也真人在天之靈將有辭于汝是所
謂百鍊之剛日膾千牛匣而藏之非我之羞
各宜體悉故榜

示查邊魏趙乃五帥榜

伏目明月白露光陰往來誰無惹高懷愴之
念皇天后土神祇上下少致齋莊中正之誠
仗此因緣修諸功德今則道場潔備法事初
陳切慮一等亡靈墮落三塗苦趣無由出离
何以超昇雖有司存豈無言責咨尔魏魏之
士各效鷹犬之勞為吾關詔當即來飛空變
化出無入有普遍詣幽陰合屬去處報括在
會所薦亡靈護送前來廣為開諭虎豹之元
不可以久處載廣淮南小山招隱之詩江魚
之腹不可以淹留爰誦長沙大傳弔魂之賦
旌儒之頌吾誰作使咸陽之枯骨更生戰場
之文吾誰歌使長平之冤魂釋縛十九載旃
毛已盡蘇子卿果得鴈乎一千年華表猶存
丁令威非真鶴也此張翰之所以動尊鱸之
興此陶潛所以傷松菊之情魂兮魂兮反故

居時執時不可失繼今而後咸與維新仰荷慈悲俯垂原宥令設金雞門外已占驛馬星流既無狼子野心梗化之鄙夫取責牛頭獄吏遵稟之文狀雖縲綬之中非其罪也然衣冠之象使民耻之母得拘留盡行釋放法

卅五

卅八

門方便孰肯度關為狗盜之謀仙路逍遙誰復假道效狙愚之詐世界如彼其大魂魄更欲何之牛秀才失道之迷薄姬豈得為魅色丈人中途之醉扶奇輒敢與妖母厄於陳蔡之圖母因於臧倉之阻敢有小鬼妄行邀當仰遵玄律捉縛來呈汝往欽哉與其進也有功之日書名于天三界侍衛五帝司迎亦不為陋九幽旋魂七祖出夜普度無窮須至指揮毋惹違慢故榜

散血盆會右語

伏以羽州池閣八萬四千旬無邊無際無涯無岸普光會上五十三佛大聖大願大慈大悲既弘開濟生渡死之法門可不作過去未來之因果伏念某等生閻浮世為婦人身自惟養男育女之時豈無熏天觸地之微未違

懺雪如履薄冰誠恐庚申之辰妄數其罪始於癸巳之歲思免厥愆或報母恩或修已福或願生淨土或預作津梁幸功德之數周畢存亡之兩利况三月三日金人見曲水之祥有同號同名釋迦顯靈山之相開經說法發

卅五

卅九

誓度人端請德士四五貞啓設道場一永夜業鏡臺前闍羅殿上至心頂禮救苦道師鉢孟庵內王舍案邊稽首皈依目連菩薩供養十方賢聖吞迎八位慈尊回向法筵聖眾遍周天地水府開通道路召請魂靈指認白雲卿呪獻甘露食蓮燈照破九九重獄之黑暗蘭湯洗出六六骨節之清涼別置焦面鬼王夜齋普施阿修羅道等衆廣及孤魂滯魄無道五苦三塗凡尔有情俱成正覺授戒而後給牒為憑伏愿薦亡者魂為西域之遊親觀

觀音於琉璃苑預修者壽比南山之固侍宴

王母於瓊瑤池佛日增輝人天快樂

建血盆道場告諭文

伏以招魂續魄况當三月三日泗洲初度之辰利人濟物現出千手千眼補陀自在之相

發誓為救苦菩薩化身作焦面鬼王諸佛弟子等欲問前世因復坐吾語汝吞炭漆身愚也詐矣獻璞則足何以行之嚼齒而碎者勇立武功吞舌而死者耻言國事雖名字載諸史冊無能磨滅然髮膚受之父母不敢毀傷

汨羅江上水蒼蒼首陽山之風凜凜潮州八千里流落於蠻烟毒霧之鄉海上十九年髯色於朔雪漠沙之外埋冤草詎節義為高魯侯之伯托夢於燕昭王槃瓠之種見名於高辛氏令威化鶴良姊為猫雖曰有人心不離畜生道腰金袍紫於我何有簞食瓢飲不堪其憂趨廝走養為人之奴涉經獵史為士也肆一賁一賤孰非暮行兩朝行雲往事想巫山之夢膏吾車秣吾馬情魂從盤谷之遊雙履嶺頭翩翩兮何之王棺堂前詡詡兮馬往

卅五

卅三

單葬於虎將喪於蛇若教之鬼無依於陵之子不死彼何人斯劫劫受苦而今死矣色色俱空八萬四千類蛭動肖翹三百六十屬羽毛鱗甲曾聞鴟鵂念彼彌陀佛又有蛤蜊托化觀世音雀會彈經鵝能聽法今之夜齋主

其人等祇就靈濟東宮餘慶堂啓設道場一
永夜別置斛食大開法門凡爾有情無情何
分先覺後覺既來趨赴作甚麼生君子無所
爭仁人無宿怨無川黨落黨自為標榜無人
相我相各立藩籬無嗔無癡無好無惡親鬼

大故鬼小無窮鷓蚌之勢互相吞君海北我
海南無謂馬牛之風不相及都來三千大世
界安有七十二等人善哉善哉如是如是野
無餓草佛有慈悲濁濯足清濯纓與其潔也
與其進也寒為衣飢為食不亦樂乎不亦悅
乎跳出鬼門關認取天堂路毋為戒律反墮
迷塗信受奉行汝宜諦聽故榜

散朝拜門榜

伏以鬼言歸也既知死未知生齋以齊之弗
患寡患不及爰修單席遍召十方于于馬而

卯五

三十一

乘洋洋乎如在若有想若無想若非有想若
非無想若有情若無情若非有情若非無情
若老若幼各序尊卑若貴若賤母分高下我
發慈悲願汝生清淨心五色綵雲夜須聽南
宮羽林之說法八味天厨食須聽西域王母

之講經何待被薜荔兮披離何待餐菊英兮
憔悴歸依道寶出離鬼官均蒙濟度之仁永
絕沉淪之苦一洒甘露水既漫既渥既足既
沾同上始青天母意母必母恩母我

普度功德右語

伏以瞻彼崑崙山北南山而祝壽朝于岳府拜
紫府而紀名三月三日天朗氣清六報六識
塵除垢淨種善果於靈山會上生金蓮於羽
州池中秉草招魂薦亡靈者獲親摩耶之相
感花垂鬢彼美人兮願從泰國之遊用作津
梁永為符券故牒

諭南北廟亡魂榜

伏以明為人幽為鬼惟鬼則靈魄歸地魂歸
天有天可格式憑科典廣設齋筵欲結眾生
緣願假方寸地母曰井谷之水不可以濟群

魚幸喜松栢之山亦足以棲衆鳥必無我外
特與先容秉蘭草以除不祥散花林以揚大
梵燈燭交輝於夜月桴鼗鼓舞於晚風我欲
輔之魂兮何莫由斯道也食乎稻衣乎錦豈
無温飽之心徠吾馬膏吾車以遂倘洋之願

豈忍一夫向隅而泣如是千里不遠而來蛟
龍之窟直送舟航虎豹之關大開鎖鑰各安
汝止亦何疑乎雖鬪之夢非人世之春秋
苟肝膽之失是自家之楚越都是鄰里都是
親知何有藩籬何有彼此先行告諭毋得喧

卯五

三十二

譚合仰主地明王權作勸善菩薩上皇天下
后土實聞孝子順孫之言南火沼北水池自
得濯形煉質之妙無分貴賤咸使超昇故榜

諭亡魂榜

伏以生非汝有自今起死以回生道本無為
從此歸心而向道乘機悟會宿命因緣功德
不可稱量神仙最為快樂東有雲萊之洞青
丘之室西有天墉之城玄圃之臺南有青都
之山流火之宮北有太玄之府紫虛之館來
今往古不計數千餘年此界彼疆相去幾百
萬里凡夫不可得而到卑俗不可得而聞十
方大聖遊息之鄉三界高真首會之所其政
悶悶其民醇醇衣食自然形容端正無貴無
賤無富無貧無是無非無人無我無取無與
無愛無憎生其所生未嘗終形其所形未嘗

有世世不絕劫劫長存日月常明風雨常節
四時常若五穀常登奇花甘菓各異其名靈
芝瑞草莫形其狀五色而文者不少九色之
鳳三足曰賁者猶多百歲之龜王徇夜鳴金
鷄晚唱雲山渺渺江水泱泱設着這箇乾坤

卯五

三十三

又是一般風景杳杳冥冥無涯之際渾渾淪淪
淪未判之天自謂羲皇上人豈料贏到未劫
若生於此長於此不樂矣乎悅矣乎汝等亡
靈欲問彼間世界我聞妙法可作此處津梁
好結衆生緣設玄都醮道場肅靜冥漠開
通召天醫牒神虎演童子科行混元扎朝方
懺悔受戒傳符晉獻十王昭謝三界宣說像
文開誦經典燈光照破黑暗界斛食普施無
碍齋沐浴華池洗却舊年浮翳開通冥路且
辨今日行程切勿回頭穩宜着步地去五丈

青一黍米珠懸在空玄之中天開九重由大
浮黎王逕上始青之上言斯信矣汝其聽之
故榜

又

維持金神按節少皞行權中元為校籍之辰

七日乃慶生之會按荆楚歲時有此遺事使
人物風景觸然興懷庭葉落兮嘆日月之幾
何靈氣肅兮願形影而自悼性者不能返逝
者何可追擬作宋玉招魂之歌猶恐來兮不
可以托欲效賈誼弔魂之賦吁嗟已矣其不

吾知今欲問生方先入普度會太上有救苦
拔亡之典靈寶有迴生起死之科此為出世
之要津可以乘機而悟道方其始也何謂之
生何謂之死及其至也亦無其死亦無其生
今有齋主其發如是念願開方便之門爾若
有靈可躡皈依徑岷山垂涕魂當登此右社
封還魂無不之既降齋庭毋拘塵世東有罔
畏之野西有沉默之鄉南有崑崙之庭北有
玄元之府看来只在方寸地直去便是始青
天自去自来無罣礙集無執數衆身入黍

卯五

三十四

米於虛空召童子五方手執蓮花而引路故
茲戒諭想爾聞知故榜
散朝拜諭下界榜

李道官焚簡此為張姬解觥之緣由功曹說
經時乃莫母超昇之徑事形傳記靈播古今

嗟爾六道幽關三塗苦趣冥冥長夜莫瞻日
月之光中劫劫多生安識烟霞之物表今夜
今時來趨法會于左于右各整容儀自有尊
卑初無貴賤越南胡北何分汝人戎人朝四
暮三寧有新鬼舊鬼既然傾蓋以序陳雷之

好不須隨懺以分牛厚之朋我有真言你宜
諦聽採薇為食者何如食天厨之食製荷為
衣者何如衣雲絲之衣雖蘇內翰之才猶切
飢寒豈王狀元之志不在温飽且將一點清
魂水遍作大千甘露門浮黎直遠始青天自
有色界至無色界泰山便是東岳府由小天
門入大天門毋墮迷途同皈大道

又

嗟爾孤魂生兮若浮死兮若休又何必以口
體為累執母乃魂魄未有所歸故為此想一
飲瓊漿百感生玄霜搗盡見雲英吾觀此詩
之旨是豈肥甘不足於口歟織成雲霧紫綃
衣辛苦無歡容不理吾味此之旨是豈輕暖
不足於體歟天仙之事吾固不敢議若夫神
道未免依人而行必以樂盛而供祭祀必以

卯五

三十五

幣帛而充莫瘞然則業盛幣帛其為神之所資者乎故孔子曰飯蔬食飲水曲肱而枕之樂亦在其中矣子路曰愿車馬衣輕裘與朋友共敝之而無憾孟子曰五畝之宅樹之以桑五十者可以衣帛矣又曰百畝之田勿奪

其時八口之家可以無飢矣此大聖大賢所以形於言著於書蓋為人類設也鬻桑之餓愿為介士緜袍之戀幾失主人縷屨辟疆何其廉製荷食菊何其清蓋衣食於人之所仰不容一朝闕也甚矣乎沙無恨黯然慘淡寄

身鋒鏑天地為愁骨為異鄉之土魂為隣國之鬼吊祭不至將如之何衛成公之夢康叔曰相奪予享若敖之鬼不其餒而祀命不常將如之何又况螳螂捕蝉韓盧攫狡免雞啄

蚤蟻鷹鷂搏鼠雀抵為食忙初無惡念金衣公子烏衣主人文成新錦之機重傳秦臺之粉雜曰無知亦各欲致身於榮貴蜂之螞蟻之營管蚊之嚙喝蝨之咀嚼蟻之戀釜蛾之赴火胎卵濕化莫生貪生無他焉各以性命為重既知性命必有知識何不回心向道今

之夜食我法食衣我法衣聽我法言使三千大千法界之內一切有主無主有想無想有形無形十類孤魂母起貪著念母生疑忌意無作人我相如是如是盡為超度徑往生方南遊罔畏之野北息沉黙之鄉西家冥冥之

域東貫鴻濛之光上無天下無地逍遙自在豈不樂哉故茲告諭咸使通知故榜

建孟蘭盆會諭下界榜

伏目子生孫孫又生子敢忘世世養育之恩人為鬼鬼復為人未免劫劫輪迴之苦惟此功德最為第一都來世界自有三千今有齋主其等恭遇地官大赦之辰啟建天尊玄都之會既謹終追遠之是念豈舉斯加彼之不能遍召十類孤魂為度一切苦厄雖寒者為衣飢者為食然也若浮死也若休胡為來哉

各安汝止毋恃強凌弱遽興晉楚之兵毋挾怨報讎常蓄其越之恨毋舟中敵國母室內操戈母兩虎共鬪勢不供母效昆虫相齧自罹厥害與其自尔我何如大家剖破藩籬說着色非色空非空便見彼岸全無風浪惟

孝子乃能錫類而仁人不憚設施始雖及於我曹終忍遺於尔衆黑暗界中翻作一筋斗便得起身講講臺上認取百丈塔穩宜着脚迎遵玄律母墮迷途

諭下界榜

伏目食可適於口則有膏粱之積習秦之鹿水以華其身則有麻苴之賤狐貉之貴惟人馬不容闕此於鬼也豈得聞歎嗟尔蠢蠢四生茫茫六道聽之無聲無聲則無口雖有食烏得而食之視之無形無形則無身雖有衣

何從而衣也胡乃墮沉淪之苦是皆起貪著之心晉公之托聲為牛蓋有聲則有口所仰者食夫生之化形為豕蓋有形則有身莫去者衣夫苟迫於飢寒寒暇治乎禮義既來這裏當作麼生母特鈍槌利錐夫人各有所

短母厭老拳飽毒手君子亦何所爭母韓盧東郭相困於前母黃雀螳螂互吞于後必如陸抗羊枯使吳晉而釋冤讎必如由余子使胡越而結昆弟何妨傾蓋可與班荆步亦趨亦趨必後長者來者去者去各問生方

我推温飽之仁汝成凍餒之狀神燈遍照如日天上共觀光明法水普沾如雨空中咸蒙潤澤營諸功德作此津梁携手玉階與其絮與其進刻石金錄孰為後孰為先且作平等王來赴無避會合行告諭母至喧譁故榜

又

伏以漠漠重高冥冥長夜未說千般浩浩且言六道茫茫四空無色未色荒唐三界有情不離幻化橘中戲象豈無變詐之欺蓮內留環難絕恩情之想應諸法界名曰天仙猶有人心而况神道山川古跡壇社靈祠鍾動猿鳴廟素尊於南岳石鐫馬鐵夢果應於黃牛縱號神通猶存血食至於有目有耳者誰甘為之視聽有口有體者孰肯困於飢寒豈不步思必無所欲捧壁歸者壁今安在獻國死者國亦何愚潮陽之馬不前動有八千里路海上之羝不乳筭來一十九年戈未枕而亡其戈楫未擊而失其楫雖魂魄不同朽木然功名總是虛花或不以富貴而關心或不以是非而入耳漱流枕石釣月耕雲丹鼎雖存

而爐烟已成灰爐禪龕雖在而骨像已化塵埃更有九流醫卜之徒百伎優伶之輩以侏儒為戲莫逃孔子之誅以巫覡為妖莫免穆公之幕險竿躍劍以危致命鑽龜打瓦何不自靈機宰行奸弄何須於力筆貨泉爭利美

何及於舟車雖曰同生那知死異其有臨軍受敵報國捐軀舌可斷而目猶噴肉可嚼而身不屈炎上山之火煽煽悲豈獨於一蛇汨羅江之水茫茫居不群於衆鳥不知去就此由所之被醢莫別嫌疑此衡之所就烹效羅之聲者其計已窮捕蛇之役者其存無幾財多害已謾誇金名之饒色久傷身徒有蛾眉之恨滔滔皆是啞啞何言嗟尔曹不遂生方何無罪而就死地若夫張願待哺可羞承腹之膨臍露體赤身深愧鷓鴣水之藍縷口之削

者甚於鳥喙項之長者幾倍鶴形峽山之女常悟為猿涪村之民奚變成虎或含胎卵而生濕化或披鱗甲而帶羽毛雖無人心亦有向道心是謂鬼道及尔畜生道尔有名無名之類至於有主無主之魂胡為來哉亦有

以也母卑踰尊疏踰戚母強欺弱衆欺孤必如魚以沫相濡勿效獸之窮則搏南海北海豈曰俗之有殊風秦人越人豈其心之不加戚班荆而言傾蓋如新且作平等王來赴普度會足衣飽食不亦悅乎不亦樂乎澡德浴身與其潔也與其進也舉身道岸携手仙階的不虛文各宜諦聽故榜

孤魂榜

人生之所以靈萬物者知其有天地覆育之功必有霜露悽愴之念造化之所以成庶類者雖曰無日月照臨之私豈無雷霆震怒之威今之日謹有奉道梁其聿懷乃考作室之勞眷念乃祖分甘之愛祖母撫育之恩猶未報叔公獎訓之言不敢忘昨就白水之原用决青鳥之卜營求葬事曲致孝情許以追修與其利澤不圖至於今日誠恐負是前盟謹消橙黃橘綠之辰畧_一拒袍裘盛之敬仰承行官將各整肅威儀先為洒淨靈壇次為招諭下界其桀犬梗戾猥狗猖包截逆謀營會凶德稜氛其氣豺武其心鼠牙竊瞰於崇墉

螳臂借窺於隆隧不知去就如彼痴駘衆怒靡容神靈赫仰依玄律攝付魁罡若夫可閔之孤魂無告之滯魄既來赴會堂作麼生好結歡喜緣母生人我相昔日之冤連盡行解釋今朝之情話畧叙綢繆或曾為故舊之

御五

御十

交或托在比鄰之契莫與芝蘭而俱化堅同金石以不渝以此自謀其身吾亦不辜所望飢者當為之食豈常枯瘦而自知寒者當為之衣不復裸程於我側以滄浪之水為汝濯足以潔微之泉為汝滌心庶幾悟會以超昇萬物執迷以顛倒接武玉階之上雲層峨峨遙瞻金闕之光仙源渺渺與其進也不亦樂乎須至指揮各宜體悉

又

陽形陰憲初無異律本自一般天堂地獄相去幾何不爭方寸道家者流嘗謂有此君子之論必曰無之今之日奉道女弟子其痛念老君其生死有期無柰背疽之不治幽冥異路未免心惑於浮言不仗重修何由超度谷示監齋使者直價將軍走狗飛鷹屬我發蹤

而指示妖狐惡鳥使之遠舉而高飛霽月開明氛侵頂息上通三界下達九泉應有幽囚仰遵赦令取責文狀於牛頭獄卒母生毒害如狼子野心剉確湯火之刑出何刑典火床鐵冊之法有甚法書叩頭無地以稱冤仰口

御五

御五

額天而無路合行踈放不得拘留其有滯魄孤魂四生六道同赴法會共結良因母以卑踰尊母特強凌弱母爾爾我自我馬能免哉母北自北南自南不相及也欣欣有喜近者悅遠者依于于而來前者呼後者應駢肩笑語連手歌謳各起慈悲是曰平等清濯纓濁濯足誰能語世混為泥塗飢為食寒為水平生立志豈在温飽既歸大道可問生方出離鬼門得度我界時哉弗可失其可不乘天人慶會之機魂兮歸去來此去便是道德虛無之說

又

嗚呼死之為言歸也歸也者歸於道也道者身以無形為主昏昏嘿嘿杳杳冥冥吾固不得而強名亡靈三十七年春秋未知何歸歟

之興遽止於斯乎載詰其由亦有以也昨因女子之疾弗瘳或於妖妄之言狂妄心煩而意亂惘惘忽忽如夢如醉如炎風之扇毒如蠻霧之塵埋逡巡而反豈期二豎之崇竊發於膏肓加以女子之天喪然慕泣訴愈深沉

溺是以緩和不治象繇不靈黃墟山外竟不知其所歸闔晦開明瞬目之五日日又日月又月愈去愈遠不虧道力孰指迷之而由是道之歸也霜寒月冷孤鳥悲鳴此時情汝等將變雖有豪傑精悍之氣木石其心豈可愬然不為孤兒寡婦長太息哉固當發慈悲心證明修奉守護呵禁毋縱邪道以生穢濁使亡靈獲歸於道功莫大焉若夫天道人道神道地獄道鬼道畜生道家寂香邈與道相拘視之不見其形聽之不聞其聲又何必起貪嗔癡之想為人間世之營營既來這裏當作麼生衣而汝衣無復號寒食為汝食無復啼飢而今而後當聞解悟東方不可以托南方不可以止西方流沙北方飛雪不可以久居可不回心向道汝等亡靈同登道岸雖風

手舞雲之樂不能過也知之故榜

又

伏目生死者晝夜之常既往古來今之何極鬼神者陰陽之道嘆要終原始之無窮蓋因善惡一念之殊遂致苦樂兩

途之異冥心昧理逐影迷真幸逢

聖世建普度之科啓玄教導揚之典式展

尊親之敬弘推利濟之仁大德如茲良緣難

遇汝孤魂等流浪冥蹤棲遲長夜未說

千般浩浩要知六道茫茫論彼執迷則

逐物而累物觀其纏繞則以形而負形

沉淪幽暗之途零落淒涼之境或叫號

於星月之下或嘯吟於風雨之中既吊

祭之不聞且葬埋之無所天涯海角望

親故以何依芳草斜陽悵鄉關其不返

第五

四十三

興言及此良切哀矜賴

明禋修金錄之齋而

太上啓丹陵之府開汝等往生之妙法濟汝

等以出死之良因滌汝慮洗汝心咸聽

九真之戒煖汝衣飽汝食俱離五苦之

煩永遂逍遙更無掛礙故榜



正一天師清微弟子 洪百堅 製作

徐仙翰藻卷之十二

修靈濟宮疏

竊見本宮修造經行六載邇來東池水更竭矣不作神人臨美之樂屋上既瓦闕少萬餘遠近乞靈言苦不少豈無樂施之

伏以築室三年難塞道傍之議為山九仞不容一簣之虧惟我真人既明且靈凡爾同志謹終如始斯官是作厥功告成柰東池復有水涸之虞於西銘豈無屋漏之愧滿眼十方都是施主舉頭三尺便有神明母曰醴酒不設於茅明既灌之餘或者木桂可補於藥籠尚虛之數適所用矣廼有請馬數米一二而炊自爇我輩眼孔輸財百萬之計好發長者心腸既是乞靈何妨喜捨

建神厨疏

伏以石相許立民間祠何帝千年德政陳侯願宰里中社揭作萬古聲名此志不在於割烹是禮欲嚴於祭祀具瞻新廟山川壯觀於一方回視舊厨風雨飄搖乎四壁雖興廢之有數然創立之在人昔也築室道傍今則架